

偶得

收拾輪竿罷釣鈎
諸緣頓息便休休
情忘意滅無多事
彼岸高登不用舟

又

不迷香餌不吞鈎
便得安閑事事休
雨笠烟蓑常作伴
清江穩駕一孤舟

又

好把諸緣一筆鈎
修真須向死前休
茫茫苦海波濤急
歸去來兮得岸舟

示眾

道藏輯要

葆光集

三

胃集十

塗川九夏清涼坐
崇義三冬自在眠
只爲從來懷道念
雲遊到處得安然

又

莫慮年深功未全
一朝行滿自忘眠
修真非是尋常事
要識然中然不然

又

普勸高明後學仙
莫貪嗜慾恣高眠
時時道德相參問
自證元初合自然

和寂通居士韻

修真功果若機梭
不是虛頭且恁麼
頓悟寂通無慾處
箇中消

息自然和

通仙觀作寄燕山馮公輩

一帶西山總屬燕燕山堪可度殘年吾門本卽修真客來向山中便是仙

又

也無香餌也無鈎空設輪竿傍釣舟目擊無言知這意何須苦口勸同流

贈石殿試

我有清閑欲付人人無分量敢全真石中懷玉還能保物外逍遙別是春

道藏輯要

葆光集

三

胃集十

過高家舖

大山心裏小庵兒暫過何曾一日期卻愛洞天人不到遷延住了許多時

又

三三兩兩小孩兒也會擎拳作禮儀到處善緣天意順前程不遠太平時

又

只因靜處見嬰兒試問行人何日知功滿三千方際會行程八百遇佳時

過渾源亂嶺關